

# La carta de San Pablo a los Colosenses

## Colosas cuto gånare Pablo í papera cõare gaye

**1** <sup>1-2</sup>Ñati Colosas cuto gāna mua. Yũ ña Pablo. Adi papera muare cõa yũ. Jesucristo ocare yũ riaso ucutoni í cũrũ ña yũ. Ito bajiro yũre í cũre āmoñi Dios. Adoju mani yagu Timoteo rāca tubia ecoana ña gũa. “Quenajaro”, yami í cũni. “Dios rīa ña mua, ito yicõri Jesucristore queno tuorũnurā ña mua”, yi masia gũa muare. Muare queno í yitoni, mani Jacũ Diore seni ísotia gũa. Mua ya usiju queno sajari oca cwti quenaroca Dios í yire āmoa gũa.

## Cristore tuorũnurāre yiari Diore Pablo í seni ísotire gaye

<sup>3-4</sup>“Jesucristore queno tuorũnurā ñama ñna, ito yicõri Dios ñarāre queno ti mairā ñama ñna”, muare masa ñna yija tuocu gũa. Ito bajiro ñna yija tuocõri, wanũa gũa. Ito bajiri muare yiari Diore gũa senija, “Queno ya Dios mu”, yisotia gũa, mani Uju Jesucristo Jacure busirā. <sup>5</sup>“Ũmacũju Dios tũju ejacõri queno wanũ quenarā yirāji mani”, yi tuoña wanũ yurā ña mua cũni. Ito bajiro tuoĩasuoijya mua cajero Cristo oca mua tuorũnũsuora rumũ. Cristo oca iti ña oca riojo ñasarise. <sup>6</sup>Cristo oca tuo masisuocõri, “Iti ña oca riojo ñasarise”, yiyija mua. “Ñeñaro yirā ñabojarāti manire ti maicõri manire queno yĩni Dios”, yi tuorũnũyija mua. Í oca quenarise mua tuogore masa jeyaro tuorā yirāji adi rumuri íja. Ito yicõri mua yiado bajiroti ñna ñeñaro yirise jidicācõri mama usi wasoarā yirāji ñna cũni. <sup>7</sup>Mani yagu Epafras wame cutigu, í ñami mani maigũ. Muare Dios oca riasoñi í. Jesucristore moa ísigũ ñari queno adoju gũare ejabuami í. <sup>8</sup>“Espíritu Santona suoriti gāmeri ti maiama ñna Colosas cuto gāna”, yi goti ejaquĩ Epafras gũare.

<sup>9</sup>Ito bajiro í yija tuocõri, muare yiari Diore seni ísisuocu gũa. Ñaro bajiroti muare yiari Diore senisusabea gũa. Í ocare queno mua tuo masi jeotoni, ñre senia gũa. Ito yicõri í masirise muare jidicātoni Diore senia gũa. “Ado bajiro mani yire āmoguĩ Dios”, mua yi masitoni, ñre seni ísotia gũa. <sup>10</sup>Ito bajiro mua yi masija, mani Uju í āmoro bajiro yi ñarā yirāji mua. Ito yicõri í wanutoni

ĩre cūdisotirā yirāji m̄ua. Īre moa ĩsirā gājerāre queno ejabuarā yirāji m̄ua, ĩna Diore masitoni. Ito bajiro yirā Dios gaye masi remocōri b̄uto busa ĩre t̄uor̄ũnu warā yirāji m̄ua. <sup>11</sup>Rētoro masigū Dios ĩ ñajare, ĩre senia gua ĩ masirise m̄uare ĩ jidicātoni. Ito bajiro m̄uare ĩ yirise ñajare, ñeñaro m̄ua t̄ob̄ujabojaja c̄uni ñemecuti masirā yirāji m̄ua. Ito yicōri t̄uoĩa ũsirio yimenati wan̄u quenarā yirāji m̄ua. <sup>12</sup>Mani Jacu Diore wanucōri ado bajiro ĩre busisotirā yirāji mani ĩja. “Queno ya Dios m̄u. M̄u ñarā gua ñatoni guare masoyija m̄u. Ito bajiri m̄u ñaro queno busuroju ejacōri, gājerā m̄u ñarā rāca m̄u ĩsiroti b̄ujarā yirāji gua c̄uni”, yī wanurā yirāji mani, Diore busirā. <sup>13</sup>Ñeñaro yirā ũju ĩ ñarā mani ñame yirocu manire masoñi Dios. Manire masocōri ĩ Macu ĩ maigū ñarā mani ñatoni manire cūni Dios. <sup>14</sup>Manire yari ĩ Macu godarena suoriti manire masoñi Dios. Ito bajiro yicōri mani ñeñaro yirise ācabojoñi Dios.

**Cristo ĩ goda ĩsirena suoriti Dios rāca oca mano queno mani ñare gaye**

<sup>15</sup>Ñim̄ujua Diore tigorū maquĩji. Ruyugu meje ñami Dios. Ito bajibojarocati Cristore mani masija, “Ito bajiguti ñaguĩji Dios”, yī masirāji mani. Ñatĩñagū ñami Cristo. Adi macāruc̄uro Dios ĩ rujeoroto riojua ñacāyiju Cristo. <sup>16</sup>Ĩna suoriti dise r̄uyabeto ũmacūju gaye c̄uni, adi sita gaye c̄uni rujeoyiju Dios. Ruyubiti c̄uni, ruyurise c̄uni ĩ Macu rācati rujeoyiju Dios. Ruyumenare, ĩna ũjarāre c̄uni rujeoyiju Dios, ĩ Macu rācati. Ito bajiri ĩnare rujeorū ñari, ĩna ũju ñami Dios Macu. Ito bajiro yicōri ĩna ũju ñasagu ĩ Macure cūyiju Dios. <sup>17</sup>Adi macāruc̄uro Dios ĩ rujeoroto riojua ĩ Macu ñacāyiju. ĩna suoriti jeyaro ña. ĩ manijama disejua maniboadoja. <sup>18</sup>Jesucristo sigūti ñami ĩre t̄uor̄ũnurāre ũmatā ñari masu. ĩ ñarā mani ñajare ĩ ñami mani rijoga. ĩ godarena suoriti ĩ ñarā mani ñasuoroca yiyiju Dios. ĩ ñami cajero godabojaguti m̄ucana t̄udi catirū. Ito bajigu ñari, manire c̄uni t̄udi catiroca yī masiguĩji ĩ. ĩti ñami masa jeyaro ũju ñasagu. <sup>19</sup>Ī Jacu Dios robo bajiro bajiguti ñami Jesucristo c̄uni. Ito bajiro ĩ bajijare āmoyiju Dios. <sup>20</sup>Masa jeyaro adi sita gāna, ũmacūju gāna c̄uni ñeñaro yirā ñayijarā. Ito bajiri masa ĩna oca cutirise oca queno āmogū ĩ Macure waja yī ĩsi rotiyiju Dios. Yuc̄t̄eojū ĩ Macu ya rí budirena suoriti masa rāca oca quenoyiju Dios.

<sup>21</sup>Iti r̄um̄uju ñeñaro t̄uoĩarā ñabojacu mani maji. Ñeñarise yisoticu mani maji. Diore ti tudirā ñari, mani wjacure bajiro ĩre t̄uoĩacu mani maji. <sup>22</sup>Adi r̄um̄uriama mani wjacure bajiro ĩre t̄uoĩabea mani ĩja. ĩjua oca quenoñi. Ñeñaro mani yirise waja, waja yirocu manire goda ĩsiñi Cristo. Ito bajiro ĩ yijare Dios ĩ tiro riojo ñe seti mana ña mani ĩja. Ñeñaro yīamena robo bajirā ña mani ĩja, Dios ĩ tija. “Ĩna ñama yu waja yī ĩsiana, ito bajiri seti ma ĩnare”, yigu yiguĩji Cristo, Diore gotigu. <sup>23</sup>Ito bajiro manire yari Diore busi ejabugū yiguĩji Cristo, Dios oca mani t̄uor̄ũnu jidicābeja. ĩ oca mani t̄uosuocati t̄uor̄ũnusotirā yirāji mani. Gaje oca manire gājerā ĩna gotibojaja c̄uni, ĩnare t̄uor̄ũn̄umenaji mani. “Jesucristore mani t̄uor̄ũnuja, manire masogū yiguĩji”, yire oca jidicāmenaji mani. Iti ña oca quenarise. Adi r̄um̄uri co sita gāna r̄uyabeto iti ocare t̄uor̄aji. Yu Pablo Diore moa ĩsigū ñari iti oca riaso ucuri masu ña yu.

### Diore tuorünuräre Pablo i ejabuare gaye

<sup>24</sup>Dios oca riaso ucuri masu ñari, bũto wanua yu. Ito bajibojarocati i oca yu muare riasoja, yu tuoia bajatobitiroca yama gajerã. Tuoia bajatobitibojaguti wanua yu. Manire yiari tuoia bajatobisi Cristo cuni. Ito bajiri Dios oca Cristore tuorünuräre riasoguti yu tuoia bajatobitibojaja, no yibea yure. Tuoia oca jaibea yu. Wanua yu. Mani i ñaräre yiari tuoia bajatobisi Cristo cuni. <sup>25</sup>İre tuorünuräre i oca riaso ucutoni yure cüni Dios. Mua oca seotoni yure cüni Dios. Co masa ruyabeto i oca ina tuobitire riaso ucutoni yure cüni Dios. <sup>26-27</sup>“Judio masa mejere cuni masogu yiguji Cristo”, yire gaye gotibisiju Dios maji jane mejeju. Ito bajiri mani riojua gãna iti ocare masibisijarã maji. Adi rumuriama i ñarã ñarocöti i oca quenarise mani tuo jedire amoguji i. Ado bajiro bajia iti oca wanu quenarise. Tite. Mani ya usiju quedi sajacöri mani racati ñatünagü yiguji Cristo. Ito bajiri, “Ümacüju Dios i ñaroju Cristo räca catitünagü yiguja yu”, yi tuoicöri wanua mani.

<sup>28</sup>No yu wa ucurijucö masa jeyarore Cristo oca yu masiadocö riaso ucua yu. “Cristore mua tuorünubeja muare masobicu yiguji i”, yi goti quenoa yu masare. Ito bajiro masare riasoa yu, Dios i tiro riojo, Cristore tuorünucöri ñe seti mana ina ñatoni. <sup>29</sup>Jesucristore queno masa masitoni josari moa yu. Yumasirio meje moasotia yu. Cristo yure i ejabuarisena moasotia yu.

**2** <sup>1</sup>Muare yiari ruje Diore seni isisotia yu. Laodicea cuto gãna, yure tiamenare yiari ito bajiroti Diore seni isia yu. “Manire yiari ruje Diore seni isisotiami Pablo”, mua yi tuoiare amoa yu. Ito bajiri adi papera muare cöa yu. <sup>2-3</sup>Muare yiari ito bajiro Diore seni isisotia yu, mua ya usiju tuoia oca seotoni. Sigü usi bajiro riti tuoicöri mua gameri maitoni muare yiari Diore seni isisotia yu. İ ocare queno tuo masicöri, “Riti ña iti. Jesucristo masoana ña gua”, yi mua tuoiare amoa yu. Iti rumuju Jesucristo gaye ñarocöti goti jeobisiju Dios maji. Adi rumuri ija i goti jeobitire gotigu yami Dios manire. Cristo sigüti ñami jeyaro tuo masire rucogu. Dise ruyabeto tuo masigü ñami i. İre mani tuorünuja queno tuo masirã ñarã yirãji mani cuni. <sup>4</sup>Queno goti ruoräre mua tuorünume yirocu, adi muare gotia yu. <sup>5</sup>Mua tu ñabitibojaguti muare tuo maicöri mua tu ñagü bajiro bajia yu. “Sigüre bajiro riti usi cuticöri, queno Jesucristore tuorünurã ñama Colosas cuto gãna”, muare masa ina yija tuocöri, bũto wanua yu.

### Cristore boca amigooana ñari, i amoro bajiro riti yija quena, yire gaye

<sup>6</sup>Cristore boca amicöri, “İti ñami yu Uju ija”, yigoana ña mua. Ito bajiro yiana ñari, i amoro bajiro riti yi nasotiya mua. <sup>7</sup>Bũto busa Cristore tuorünũ warona Dios ocare riasotiya mua. İre queno tuorünucöri ire cudisotiya mua. Muare riasogoana yiado bajiroti bũto busa Jesucristore tuorünũna mua. Ito yicöri, “Queno ya Dios mu”, yi wanusotiba mua.

<sup>8</sup>“Oca ñasarise riasoa gua”, Jesure masimena ina yibojaja, ñnare tuorünubesa mua. Jesucristo oca meje ña ñna riasorise. İna riojua gãna

ĩnamasi tũoĩa rujeore gaye riasoama ĩna. “Ado bajiro bajia adi macãrucũro”, ĩna yi tũoĩa rujeore gaye riasoama ĩna. Cristo oca meje ña ĩna riasorise.

<sup>9</sup>Riojo mũare oca gotia yũ. Cristo sigũti ñami jeyaro Dios gaye rucogu. Dios ĩ masirise, ĩ sãorise, ĩ ñasarise Dios gaye disejua ruyabeto rucogu ñami Cristo. Manire bajiro ruju cutibojaguti Dioti ñami Cristo. <sup>10</sup>Ito bajiri Cristore boca ãmigoana ñari queno usi cutia mani ĩja. ĩre boca ãmicõri Diore cuni boca ãmigoana ña mani ĩja. Cristoti ñami Uju ñasagu. Ñimujua ĩre roti masigũ maquĩji. ĩti ñami umacũju gãna ujarãre, adi sita gãna ujarãre cuni roti masigũ. <sup>11</sup>Dios ñarã ñarona judio masa wirotabojare bajiro yibisija mua. Dios ñarã ñarona Cristore tũorũnyija mua. Ito bajiri mua ñeñaro yi uyarisere mua jidicãtoni, mũare ejabuañi Cristo. <sup>12</sup>“Riti bajia. Cristo ĩ godabojarocati tũdi ĩ catiroca yĩni Dios. Ito bajiroti yãre cuni tũdi catiroca yigu yiguĩji Dios”, yi tũorũnyija mua. Ito bajiro yi tũorũncõri idẽ gu rotiyija mua. “Cristore tũorũnrã ñari gua ñeñaro yirisere jidicã ãmoa gua. Mama usi wasoa ãmoa gua”, yi tũoĩacõri idẽ gu rotiyija mua. <sup>13</sup>Iti rãmũju ñeñaro yirã ñari, ito yicõri ñeñaro yirise jidicã ãmomena ñari, godana robo bajirã ñabojacu mani maji. Diore masirã meje ñacu mani. Cristore mani tũorũnjare manire masoñi Dios. Ito yicõri mani ñeñaro yirise ãcabojo jeoñi ĩ. <sup>14</sup>Dios ĩ rotirise cudibiticõri seti cutirã ñacu mani maji. Yucutẽojũ masare yiri Cristo ĩ goda ĩsirena sũoriti mani ñeñaro yirise ãcabojo jeoñi Dios. Ito yicõri mame oca gotirocu cajero ĩ rotisuore jidicãcõri gaje wasoayiju Dios ĩja. <sup>15</sup>Ito bajiro Dios ĩ yijare, “Seti cutirã ñama ĩna”, yi masibeami rãmũa uju Satanãs ĩja. Yucutẽojũ manire yiri goda ĩsicõri, rãmũare ruyumena ñarocõreti rãtocũyiju Cristo. Ito bajiro ĩ yijare, “Rẽtoro masigũ ñami Cristo. ĩ masirise ĩrocu, rãmũa uju ĩ ñarãre cuni rãtocũyiju Cristo”, yi tũoĩa mani.

### Dios ĩ ãmoro bajiro riti mani yija quena, Pablo ĩ yire gaye

<sup>16</sup>Ito bajiri, “Rẽore ña, babesa, idibesa”, yire ma ĩja. “Bucurã rotire cudibea mua”, mũare ĩna yibojaja, bojori bujare ma mũare. “Gua ya basa rãmũ, gua ya tujacãra rãmũ cuni rucubũobea mua. Mamũ umacañi ĩ joeari rãmũ rucubũobea mua”, mũare ĩna yibojaja bojori bujare ma mũare. <sup>17</sup>Cristo ĩ godaroto riojua jaje rotire gaye ñayiju maji. “Cristo ĩ ejaja queno manire ejabuagu yiguĩji ĩ”, judio masa ĩna yitoni jaje rotire gaye cũyiju Dios maji. Manire Cristo ĩ goda ĩsija bero bucurã ĩna yisotire mani yiroti meje ña ĩja. Adi rãmũri Cristo ĩ rotiro bajiro riti cudĩ warã yirãji mani ĩja. <sup>18</sup>Coriarã ado bajiro goti rũoama mũare: “Gua cãiroju ticõri queno Dios ĩ rotirise goti masia gua. Manimasiti mani ya rujure cami menija quena”, yi goti rũoama ĩna mũare. “Ángel mesare gua rucubũoado bajiro mua rucubũobeja, mũare masobiquĩji Dios”, yi goti rũoama ĩna mũare. ĩnamasiti tũoĩa rujeocõri, ito bajiro goti rũoama ĩna. “Gua robo bajiro mua yibeja, mũare masobicũ yiguĩji Dios”, yi rũoama ĩna. Ito bajiro mũare ĩna yibojarocati, ĩnare tũorũnũbeja. <sup>19</sup>Mani Uju Cristo bajiro tũoĩarã meje ñama ĩnaõna. Mani Uju ñari, Cristo

sīgūti ñami mani rijoga bajiro bajigu. Ìre boca ãmigoana ñari ì ya rujũ robo bajirã ña mani. Ìre riti mani tuorũnuja, sīgũ bajiro riti tuoĩarã yirãji mani. Ito yicõri Dios ì ãmoro bajiroti buto busa Cristore tuorũnu warã yirãji mani ïja.

<sup>20</sup>Manire goda ïsicõri bucurã rotire jidicãcõri mame oca wasoayiju Cristo. Ito bajiri adi sita gãna ñna tuoĩa rujeore mani cudiroti meje ña. “Bucurã masa ñna rotire mani cudija, manire masogũ yiguĩji Dios”, ñna yibojaja, mani cudiroti meje ña. ¿No yija ito bajibojarocati adi sita gãna ñna tuoĩa rujeorise cudiati mua maji? <sup>21</sup>Ado bajiro rotiana ñna. Tite: “Ìtire bare meje ña. Babesa, moaĩbesa”, yama ñna. <sup>22</sup>Ito bajiro ñna riasoja, adi macãrucũro gãna ñna tuoĩa rujeorise ña. Bare jedirise ña, ito yicõri mani ba jeoroti ña iti. <sup>23</sup>Ñna tuo seyorise ñna riasoja tuocõri, “Queno tuoĩarã ñama”, yi tuoĩabojama coriarã. Ito bajibojarocati queno tuoĩarã meje ñama ñna. Ado bajiro riasobojama ñna. Tite: “Gua rucubuoanare rucubuoja quena. ‘Masigũ meje ña yũ’, mani yija quena. Mani tuoĩa bujatobeja quena. Manimasiti mani ya rujũre camĩ menija quena. Ito bajiro mani yija, mani ñeñaro yirise jidicã masirã yirãji mani”, yi tuoĩabojama. Ito bajiro meje baja.

**3** <sup>1</sup>Cristore ñna sãbojarocati tũdi ì catiroca yĩni Dios. Ìre mucana tũdi catiroca yicõri ùmacũju ì ya riojocaduja rucubuoaraja ruji rotiyiju Dios. Cristore mani tuorũnũroto riojua Diore masibiticõri godacãna robo bajirã ñacu mani maji. Ito bajiri ñeñaro yirise jidicãcõri Cristore mani tuorũnũuocati rumũ tũdi catirã robo bajiro mani bajiroca yiyiju Dios manire. Ito bajiri ùmacũju Dios rãca catitĩnarã yirãji mani. Ito bajiri ìre wanũrã ùmacũju ì gaye mani tuoĩaja quena. <sup>2</sup>Adi sita gayere tuoĩa wanũsabitiruja manire. ùmacũju Cristo gaye buto busa mani tuoĩa wanuja quena. <sup>3</sup>Jesucristo ì goda ïsirena suoriti mani ñeñaro yirise ãcabojoni Dios. Ito bajiri mucana tũdi ñeñaro yi uyabitiruja manire. Mucana tũdi mani ñeñaro yi uyabe yirocũ, manire tirũnũgũ yiguĩji Cristo. Ito yicõri ùmacũju Dios rãca mani catitĩnatononi manire tirũnũgũ yiguĩji Cristo. <sup>4</sup>Mani ya usiju Cristo ì quedĩ sãjagoana ñari ñna suoriti catia mani. Ìti ñami catitĩnare ñasarise rucogũ. Tũdi ì goaĩori rumũ masa jeyaro ìre rucubuoarã yirãji. Ì ñarã ñari, ùmacũju ì rãcati wanũrã yirãji mani cuni.

### Cristore boca ãmicõri mama usi wasoare gaye

<sup>5</sup>Ito bajiri adi macãrucũro ñeñaro mani yirise jidicãgoruja manire. Rocati romiare yibitiruja manire. “Ìsore ãmoa yũ”, yi tuoĩabitiruja manire. Mani ya rujũna ñeñaro mani yirise jidicãruja manire. Gãji ya gajeonire uobitiruja manire. Gajeonire mani tuoĩa wanuja, Diore rucubuoarã meje ña mani. <sup>6</sup>Ito bajiro ñeñaro yirãre junisinicõri, ñna cudibitire waja, ñnare buto waja senigũ yiguĩji Dios. <sup>7</sup>Ìti rumũju adi sita gãna bajiro tuoĩacõri ñnare bajiroti ñeñaro yicũ mani cuni maji. <sup>8</sup>Adi rumũri jeyaro mani ñeñaro yirise jidicãja quena. Junisinibitiruja manire. Ti tebitiruja manire. Ti tudibitiruja manire. Gãjerãre busitubitiruja manire. Mani ya risena oca ñeñarise busibitiruja manire. <sup>9-10</sup>Ñeñaro mani yi uyarise jidicãcõri

mama usi wasoana ña mani ñja. Ito bajiri mucana tudi gäjēräre socabituruja manire. Dios manire rujeoru ejabuasotiami manire ñ amoro bajiro mani yitoni. Buto busa ñre mani masiroca yami Dios, Cristo ñ queno yiado bajiro mani yitoni. <sup>11</sup> Cristo ñ quedi sājana ñari sīgũ rīa ña mani ñja. Ito bajiri, “Judio masa ña gua. Judio masa meje ña muama”, yire ma ñja. “Wiro tagoana ña gua. Wiro tagoana meje ña muama. Riasotigoana ña gua. Riasotigoana meje ña muama. Gäjēräre moa ñsirāona meje ña gua. Gäjēräre moa ñsirāona ña muama”, yire ma ñja. Sīgũti ñami mani Uju, ñ ñami Cristo. Ito bajiri Dios ñ tija sīgũ rīa bajiro bajirā ña mani.

<sup>12</sup> Dios ñarā ña mani ñja. Manire ti maicōri, manire beseñi Dios, ñ ñarā mani ñatoni. Ito bajiri mani cūni gäjēräre mani ti maija quena. Ito yicōri ñnare mani ejabuaja quena. “Gäjērā rētoro quenagũ ña yu”, yi tūoiabitiruja manire. Gäjēräre sēoro rotibituruja manire. Manire gäjērā usirioro ñna yibojarocati junisinibituruja manire. <sup>13</sup> Mani gāmeri ejabuaja quena. Manire gäjērā ñna ñeñaro yibojarocati ñnare junisinibituruja manire. Itire mani ācabojoja quena. Mani ñeñaro yirise Jesucristo ñ ācabojado bajiroti gäjēräre cūni mani ācabojoja quena. <sup>14</sup> Gāmeri mani ti maija, iti ña rētoro ñasarise. Dise gaje rotire rētoro ñasarise manoja. Mani gāmeri ti maija, sīgũ bajiro riti tūoiarā yirāji mani, Dios ñ amoro bajiroti. <sup>15</sup> Cristo ñ amoro bajiro riti mani yija, ñe oca manoti mani ya usiju queno wanu quenarā ñarā yirāji mani. “Ñre cūdia yu”, yi masicōri, mani ya usiju queno wanu quenarise rāca ñarā yirāji mani. Ito bajiro mani ñatoni ñ ñarā sīgũre bajiro mani tūoiaroca yicāni Dios. Ito bajiri, “Queno ya Dios mu”, yitñaruja manire, Diore rūcuborā.

<sup>16</sup> Mani ya usina Cristo ocare tūorūncōri wanure rāca ñre cūdi ñasotiruja manire. ñ ocare queno masicōri gāmeri mani riasoja quena. Ito yicōri mani goti rētobuja quena. Diore wanurā, ñre basa sēato mani. ñ oca tutire ticōri sēato mani. “Queno ya Dios mu”, ñre yi rūcubuo sēato mani. <sup>17</sup> Dise rūyabeto mani busija cūni, mani moaja cūni, “Jesucristo ñami yu Uju”, yi tūoiacōri, ito bajiro yiruja manire. Cristore tūorūncōri ñ ejabuarisena, “Queno ya Dios mu”, mani Jacu Diore yi rūcuboruja manire.

### **Cristore tūorūnurā ñari mani bajire gaye**

<sup>18</sup> Tūoya romia mua, muare busigu ya yu. Mua manujusabatia yiro bajiroti cūdiya. Mani Uju Jesucristore tūorūnurā ñari, ito bajiroti mua yija quena.

<sup>19</sup> Tūoya ũmua mua, muare cūni busigu ya yu. Mua manojosāromiare queno ti maiña. Ito yicōri sēorise rāca rotibesa mua. Quenoti ñnare rotija quena.

<sup>20</sup> Tūoya rīaca mua, muare busigu ya yu. Mua jacusabatia yiro bajiroti cūdisotiba mua. Ito bajiro mua yija ticōri, wanugũ yiguñi Dios.

<sup>21</sup> Tūoya rīa cūtirā mua, muare busigu ya yu. Mua rīare usirioro tudibesa mua. Biyaro ñnare mua tudija tūocōri, tūo oca sēomenaji ñna. Ito bajiri muare cūdi āmomenaji ñna.

<sup>22</sup> Tūoya gäjēräre moa ñsirā mua, muare busigu ya yu. Mua ujaräre queno cūdiya mua. ñna tiroca cūni, ñna tibeto cūni ñnare queno cūdisotiba mua.

Mua ɛjarã ñna tiroca riti mua moaja, “Guare ti wanɛjaro ï”, yi tɔoia mua. Ito bajiro mua yija queno moa ïsirã meje ña mua. Mani Ʋjɛ Jesucristore tɔorũnrã ñari, mua ɛjarãre queno moa ïsija quena. <sup>23</sup>Dise rɛyabeto mua ɛjarã ñna rotirise wanɛre rãca moa ïsija quena. Temenati moaja quena. “Yɛ moarise tiami Cristo”, yi tɔoĩacõri, ïre moa ïsirã robo bajiro mua ɛjarãre cɔni queno moa ïsiña mua. <sup>24</sup>Cristo sīgũti ñami mani Ʋjɛ ñasagu. ïre moa ïsirã ya mani. Itire ácabojabesa. Manire queno waja yigɛ yiguĩji. Mani catitĩnaroca yigɛ yiguĩji Cristo. <sup>25</sup>No ñeñaro yigureti waja senigũ yiguĩji Dios. Queno ti bese masigũ ñari, masa ñna ñeñaro yigoadocõti waja senigũ yiguĩji Dios.

**4** <sup>1</sup>Tɔoya moa ïsiri masa cutirã mua, mɛare busigɛ ya yɛ. Mua ya moari masare quenoti rotiya. Ito yicõri ñna moaro bajiroti ñnare queno yiya. Ado bajiro mua tɔoĩaja quena, “Ũmacũjɛ ñami yɛ Ʋjɛ, yɛre queno yigɛ. Ito bajiri yɛ ya moari masare queno yicũja yɛ cɔni”, yi tɔoĩaja quena.

<sup>2</sup>Diore busi jidicãbeja. ïre mua busisotija quena. ï cãdija ticõri, “Queno ya Dios mɛ”, yi ñaña mua. <sup>3</sup>Diore mua busija guare yiari seni ïsisotiya mua. Ito bajiro mua senija tɔocõri, guare queno ejabuagu yiguĩji Dios, gaje masare Cristo oca gua riaso ucu masitoni. Cristo oca masa ñna masibitire yɛ riasojare ado tubia ecorɛ ña yɛ. <sup>4</sup>Yɛre yiari Diore seni ïsiña, masare yɛ riasoja queno ñna tɔo masitoni. Ito bajiro ñna queno tɔo masiroca ñnare riasorũja yɛre.

<sup>5</sup>Jesucristore tɔorũnɛmena tɛ mua waja, rocati ñacõabesa. ï ocare ñna tɔo ãmoja ñnare gotiba. “Queno yirã meje ña mua”, mɛare ñna yibe yirona, queno tɔoĩacõri ñnare ï oca goti rãtobuja quena. <sup>6</sup>Queno tɔoĩacõri ñnare Cristo oca gotirũja mɛare. Queno wanɛ quenacõri mua busija quena, Cristo ocare ñna boca ãmitoni. Dios ocare queno riasotiya, gãjerã mɛare ñna seniĩaja, riojo mua cãditoni.

### Quenajaro masa, Pablo ï yi ñucare gaye

<sup>7</sup>Adojɛ yɛ rãca mani Ʋjɛre moa ïsigũ ñami Tíquico wame cutigɛ. Manire bajiroti Jesucristore tɔorũnugũ ñami ï cɔni. Ito bajiri mani rãca gagɛ mani maigũ ñami ï. Mua tɛ ejacõri yɛre rãtare gaye mɛare gotigɛ yiguĩji ï. <sup>8</sup>Mua tũju ïre wa rotigɛ, ado bajiro ïre gotia yɛ: “Ïna ya ɛsiju ñna tɔo oca sãotoni, ‘Queno ñama Pablo mesa’, yi gotitẽña”, yi gotia yɛ Tíquicore. <sup>9</sup>“Tíquicore baba cuti wasa”, yi gotia yɛ Onésimore. Manire bajiroti Jesucristore queno tɔorũnugũ ñami Onésimo cɔni. ï ñami mani rãca gagɛ, mani maigũ. Mua rãca ñagorɛ ñami Onésimo. Mua tɛ ejacõri guare rãtare gaye gotirã yirãji ñna jũarã.

<sup>10</sup>Adojɛ yɛ rãca tubia ecorɛ ñami Aristarco wame cutigɛ. “Quenajaro”, yami mɛare. “Quenajaro”, yami Marcos cɔni. ï ñami Bernabé teñɛ. “Mua tɛ Marcos ï ejaja, wanɛre rãca ïre boca ãmiña”, mɛare oca goti ñucacãcɛ yɛ. <sup>11</sup>Jesús Justo wame cutigɛ cɔni, “Quenajaro”, yami. ñna ɛdiarãti ñama judio masa yɛ rãca Diore moa ïsirã. Jesucristore boca ãmicõri Diore moa ïsirã ñama ñna cɔni. ñna yɛre ejabuajare, queno wanɛ quenacõri oca sãoa yɛ ïja. <sup>12</sup>Mua yagu Epafras wame cutigɛ, “Quenajaro”, yami. Jesucristore moa ïsigũ ñami ï cɔni. Co rɛmɛ rɛyabeto mɛare yiari Diore seni ïsisotiami ï. Queno Diore tɔorũnrã

ĩre mũa cudi ñatoni mũare yiari Diore seni ĩsisotiami ĩ. Ito yicõri ĩ ãmoro bajiro mũa cudi jeotoni mũare yiari Diore seni ĩsisotiami ĩ. <sup>13</sup>“Riti mũare yiari Diore senisotiami Epafras”, ya yũ, ĩre tisotigu ñari. Laodicea cuto gãnare, Hierápolis cuto gãnare yiari cuni Diore senisotiami ĩ. <sup>14</sup>Lucas uco yiri masu mani maigũ, “Quenajaro”, yami. Demas wame cutigu, “Quenajaro”, yami ĩ cuni.

<sup>15</sup>“Quenajaro Laodicea cuto gãna”, ya yũ. “Quenajaro Ninfa. Quenajaro Cristore tuorũncõri iso ya wijũ minijuasotirã cuni”, ya yũ. <sup>16</sup>Adi papera mũare yũ cõare mũa ti jeoja bero Laodicea cuto gãna Jesure tuorũnrãre wasoaba, ĩna titoni. Ito yicõri ĩnare yũ papera cõacatiũare wasoacõri tiba mũa cuni. <sup>17</sup>Ado bajiro Arquipore mũa gotire ãmoa yũ: “Mani Uju Jesucristo mũre ĩ rotiado bajiroti queno gajanoaña”, yiya Arquipore.

<sup>18</sup>“Quenajaro”, yi uca yũ, yũmasiti. Adojũ tubia ecorũ ña yũ. Yũre ãcabojabesa. Yũre yiari Diore seni ĩsisotiya mũa. Mũare yiari Dios ĩ queno yitoni ĩre seni ĩsisotia yũ cuni. Itocõ ña.